



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-03-45-2-2326-7/23.

Datum: 19.02.2024. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Sl.novine Federacije BiH", broj 12/03, 34/03 i 65/13), člana 64. stav 5. Zakona o zdravstvenoj zaštiti („Službene novine Federacije Bosne i Hercegovine“, broj:46/10 i 75/13), Uredbe sa zakonskom snagom o ustanovama („Službeni list R BiH“ broj: 6/92 i 13/94), člana 6. i 8. Odluke o utvrđivanju standarda, kriterija, postupku izbora i imenovanja na upražnjene pozicije u regulirane organe Općine Tešanj ("Sl.glasnik općine Tešanj", broj 3/23) i člana 30. Statuta Općine Tešanj (“Službeni glasnik Općine Tešanj” broj 11/07) Općinski načelnik objavljuje

PONOVNI JAVNI OGLAS

o izboru i imenovanju predsjednika i člana Upravnog odbora JZU Dom zdravlja "Izudin Mulabećirović-Izo" Tešanj, člana Upravnog odbora JZU Opća bolnica Tešanj i predsjednika i člana Upravnog odbora JZU Apoteka i CMS "Tefarm" Tešanj

I. Naziv pozicije

1. JZU Dom zdravlja "Izudin Mulabećirović-Izo" Tešanj

Predsjednik Upravnog odbora (predstavnik osnivača) _____ 1 (jedan)

Član Upravnog odbora iz reda stručnih radnika uposlenih u ustanovi _____ 1 (jedan)

2. JZU Opća bolnica Tešanj

Član Upravnog odbora iz reda stručnih radnika uposlenih u ustanovi _____ 1 (jedan)

3. JZU Apoteka i CMS "Tefarm" Tešanj

Predsjednik Upravnog odbora (predstavnik osnivača) _____ 1 (jedan)

Član Upravnog odbora iz reda stručnih radnika uposlenih u ustanovi _____ 1 (jedan)

II. Opis poslova:

Upravni odbor ustanove donosi pravila odnosno statut ustanove, imenuje i razrješava direktora ustanove, nadzire rad i poslovanje direktora ustanove a naročito u segmentu upravljanja i raspolaganja kapitalom i imovinom ustanove, utvrđuje politiku razvoja, razmatra i usvaja izvještaje o poslovanju, predlaže raspodjelu i način upotrebe dobiti, donosi opšti akt o unutrašnjoj organizaciji i sistematizaciji, podnosi osnivaču najmanje jedanput godišnje izvještaj o poslovanju ustanove, te obavlja i druge poslove u skladu sa zakonom i pravilima/statutom javne ustanove.

Predsjednik Upravnog odbora ustanove rukovodi sjednicama Upravnog odbora, stara se o pripremi materijala za sjednice Upravnog odbora i o izvršenju akata Upravnog odbora i obaveza prema općini Tešanj. Predsjednik Upravnog odbora obavlja i druge poslove utvrđene Statutom i drugim aktima javne zdravstvene ustanove.

Mandat predsjednika i članova Upravnog odbora je 4 (četiri) godine uz mogućnost ponovnog imenovanja u skladu sa zakonom.

Mjesečna naknada za rad predsjednika i članova Upravnog odbora je određena Odlukom o utvrđivanju naknada članovima upravnih i nadzornih odbora javnih ustanova i javnih preduzeća u Općinskom vijeću (Službeni glasnik općine Tešanj, broj: 2/23).

Upravni odbor Javnih zdravstvenih ustanova: predsjednik - predstavnik osnivača, član-predstavnik kantonalnog ministarstva i član – iz reda stručnih radnika zdravstvene ustanove.

Upravni odbor Javnih zdravstvenih ustanova su 2/3 nezdravstveni radnici i 1/3 iz reda zdravstvenih radnika. Upravni odbor Javne zdravstvene ustanove može imati najviše jednog člana upravnog odbora od uposlenih iz Javne zdravstvene ustanove.

U Upravnom odboru jedne Javne zdravstvene ustanove ne može biti član upravnog odbora uposlenik iz druge Javne zdravstvene ustanove.

III. Opći uslovi koje kandidat treba ispunjavati:

1. da je državljanin Bosne i Hercegovine,
2. da je stariji od 18 godina i mlađi od 65 godina,
3. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije dana objavljivanja javnog oglasa,
4. da nije pod optužnicom Međunarodnog suda za ratne zločine u bivšoj Jugoslaviji (član IX .1. Ustava Bosne i Hercegovine , da nije na funkciji u političkoj stranci u smislu člana 5. Zakona o ministarskim, vladinim, i drugim imenovanjima u F BiH,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH („Službene novine FBiH“, broj: 12/03, 34/03 i 65/13),
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u institucijama vlasti Bosne i Hercegovine,
7. da nema privatni finansijski interes u reguliranom organu u koji se kandiduje,
8. da nije osuđivan za krivično djelo i privredni prestup nespojiv s dužnošću u reguliranom organu u koji se kandiduje,
9. da nije lice kojem je pravosnažnom presudom suda zabranjeno obavljanje aktivnosti u reguliranom organu za koji se kandiduje.

IV. Posebni uslovi:

- VSS VII stepen, završeno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 240 ECTS bodova) zdravstvenog, tehničkog, ekonomskog, pravnog ili nekog drugog društvenog smjera.
- za predsjednika Upravnog odbora najmanje 5 godina radnog iskustva nakon sticanja zvanja, a za člana Upravnog odbora najmanje 3 godine radnog iskustva nakon sticanja zvanja,
- da nije član nadzornog ili upravnog odbora, odnosno odbora za reviziju nekog javnog privrednog društva ili institucije,
- komunikacijske i organizatorske sposobnosti (cijene se na intervjuu),
- sposobnost tumačenja propisa iz oblasti za koju je regulirani organ osnovan (cijeni se na intervjuu),
- sposobnost upravljanja finansijskim i ljudskim resursima (cijeni se na intervjuu).

V. Za prijavu na Ponovni javni oglas kandidat je dužan dostaviti sljedeće (original ili ovjerenu kopiju):

1. prijavu sa biografijom, adresom i kontakt telefonom,
2. ličnu kartu (ovjerena kopija),
3. diplomu kao dokaz o završenoj stručnoj spremi (ovjerena kopija),
4. uvjerenje o radnom stažu izdano od strane Poreske Uprave ili potvrda izdana od strane poslodavca, kao dokaz o radnom iskustvu,
5. ovjerenu izjavu da ispunjava opće i posebne uslove predviđene ovim javnim oglasom (obrazac izjave može se preuzeti elektronski na web stranici Općine Tešanj ili na šalteru Općine)

Sa kandidatima koji budu ispunjavali sve potrebne uslove bit će obavljen intervju.

Podnosilac prijave sa kojim je nemoguće stupiti u kontakt u roku od 8 dana od dana isteka roka za podnošenje prijave, neće biti uzet u razmatranje u daljem procesu imenovanja.

Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka ("Službeni glasnik BiH", broj: 49/06 i 76/11).

Za provođenje procedure Općinski Načelnik u skladu sa ovlaštenjima iz člana 13. Odluke o utvrđivanju standarda, kriterija, postupku izbora i imenovanja na upražnjene pozicije u regulirane organe Općine Tešanj ("Sl.glasnik općine Tešanj", broj 3/23) imenuje Komisiju za izbor. Nakon obavljenog intervjua sa prijavljenim kandidatima i na osnovu u potpunosti dokumentovanih odluka svakog člana komisije, Komisija za izbor će putem pisane preporuke predložiti rang-listu sa najboljim kandidatima, dostaviti općinskom Načelniku, a općinski Načelnik predložiti Općinskom vijeću na razmatranje i usvajanje. Rješenje o konačnom imenovanju predsjednika i članova Upravnog odbora donosi Općinsko vijeće Tešanj.

Kandidat koji bude izabran dužan je u roku od 8 dana dostaviti:

- uvjerenje da nije osuđivan za krivično djelo nespojivo s dužnošću u reguliranom organu, pet godina od dana pravosnažnosti presude, isključujući vrijeme zatvorske kazne;
- uvjerenje da mu presudom suda nije zabranjeno obavljanje aktivnosti u nadležnosti upravnog odbora;
- uvjerenje o državljanstvu (ne starije od šest mjeseci);

Prijavu na ponovni oglas i sve tražene dokumente treba dostaviti u roku od 15 dana od dana posljednjeg objavljivanja oglasa, lično ili poštom preporučeno, sa obaveznom naznakom za koji upravni odbor i za koju poziciju se prijavljuje: „Prijava na ponovni oglas za predsjednika ili člana Upravnog odbora JZU Dom zdravlja "Izudin Mulabećirović-Izo" Tešanj– ne otvarati“, „Prijava na ponovni oglas za člana Upravnog odbora JZU Opća bolnica Tešanj– ne otvarati“, „Prijava na ponovni oglas za predsjednika ili člana Upravnog odbora JZU Apoteka i CMS "Tefarm" Tešanj– ne otvarati“ na slijedeću adresu Komisija za izbor- Općina Tešanj, Trg Alije Izetbegovića broj 1, 74260 Tešanj.

Nepotpune, neblagovremene i neuredne prijave neće se uzeti u razmatranje.

Ponovni Javni oglas će biti objavljen u "Službenim novinama FBiH", dnevnom listu "Oslobođenje" i na web stranici Općine Tešanj.

Dostavljeno:

1. „Službene novine Federacije BiH“
2. „Oslobođenje“ Sarajevo
3. Web stranica Općine Tešanj
4. oglasna ploča Općine Tešanj
5. Komisija za izbor
6. Arhiva



OPĆINSKI NAČELNIK
Mr.sci. Suad Huskić

